

*****46

QVÆSTIO MEDICA

Quodlibetariis disputationibus manè discutienda in Scholis
Medicorum die jovis decimâ Februarij.

M. MATTHÆO THVILLIER, Doctore Medico, Præside.

An incipiente Parotide sanguis è proxima iuguli vena mittendus?

I.

Quidquid in morbis recte fir, & apparet ad salutem, id, nisi cæco interve-
niat casu, artis aut naturæ beneficium est. Casus rara felicitas; arti sæpe
non respondet, artificem sæpius fallit eventus. Æquabilior & minus du-
bia, sed non omnino certa, nec semper prospera naturæ molitio. Opus inceptum
aliquando non perficit, nec partes adimplet suas: quinetiam intempestivo conatu
noxam sibi quandoque constat & ruinam. Hinc Criseon, (quæ subiti sunt illius
in ægris motus) non eadem parque bonitas, nec una differentia. Morbum alia pe-
nitus solvit, aut extenuat; augeat alia, vel cum morte commutat. Omnes excretionem
sunt, vel abscessu; morbis acutis excretio; longis familiarior abscessus. In hoc
perfectam crîsim quærere, miserabilis est rerum ignoratio. Naturæ voris nullus
uspiam facit satis, ne laudabilis quidem, ejus debilitatem, aut excrementorum
contumaciam, aut viarum impedimenta testatur, ipsiusque morbi materiam aliò
tantum transfert, ac prioris saltem est mali in aliam speciem partemque transitus
& conversio. Sed ut omnibus alijs in rebus, sic in abscessibus difficilis & ardua
est optimi perfectio; eorum quibus absoluitur, raro non aliquid deest; hic tem-
poris, ille humoris vitio infamis; quidam angustioribus coercetur spatijs, morbo-
que impar ejus focum funditus non exhaurit; alius principi membro vicinior, ex-
cursus, recursusve injicit metum, & nisi maturè provideatur, sæpe est ad inte-
ritum fatalis.

II.

Varijs nominibus male is audit, quem ductâ ab obfessis partibus appellatione
Parotidem vocant. Nec re fallat exterior illius sirus, nec glandularum qui-
bus peculiariter insidet, vilior conditio. Plerisque abscessibus internis pravitate
non cedit; nullus ferè cerebro insidiatur magis, ac superfluos humores quâ via-
rum opportunitate pars illa princeps expellit in sub,ectas glandulas, eâdem hæ
acceptam injuriâ quasi ulturæ, sæpè in cerebrum repellunt. Diffusâ etiam mox
in laryngem, mox in thoracem materiâ intercludit animæ vias. In morbis diutur-
nis sub finem ut plurimum emergit, inter iniuria erumpit in acutis. In his irri-
tate præcox & temeraria; in illis oppressæ naturæ languidior atque imbellis fere
contentio; in alijs crassæ & pervicacis mæritæ; in alijs internæ malignitatis inaus-
picatum germen; in omnibus periculum ni augeat, præsens certe aperit, aut fu-
turum minatur. Comeræ instar, impune nunquam, vel sine formidine cerni solet.
Parva parotis, prava, nec conferre; major horrenda, nec ferri potest. Quos vel
lethargus, vel paraplexia, vel graveolentis ilei calamitas, sætidarumve dejectionum

multa varietas cum acuta febre & hypochondrij tensione conjuncta, vel graviore pulmonis affectus confluant, per *Empysem* frequentissime occidit. Si quibus vero critica motione assurgat, quæ spes ex secretionem tantuli humoris? Sed & cum morbum, successu admodum raro, remouet, quanti hæc solutio miseris aggrauantibus constat? ipso morbo sæpe intolerabilior est, quandoque etiam perniciosior: cum dolore attollitur & incrementum, vix digeritur in halitum, ægre concoquitur & supputat. Suppuratæ interdum succedunt ulcera *δυσενώματα*, ossium caries, importunæ fistulæ, aut fædæ cicatrices. Incocta in diarrhæa, peritihæ, ptyelysmi, vel hæmorrhagiæ desiderio, aliàs induratur in scirrhum, aut desinit in ulcus mali moris, alias formidoloso erysipelate faciem infestat atque urit; sæpius intro refusa & *aneurus* residens, delirium, convulsionem, apoplexiam inducit, ut quemcumque in morbum cadat Parotidis, hæc illi plerumque quasi cumulus accedat: vel si melioribus oriatur auspiciis, quod usu non adeo venit, imperfecta saltem & laboriosa sit crisis; utovis in casu, sua ei quamprimum adhibenda curatio.

III.

Tempus & oleum perdit, qui totus est in emollientibus remedijs: leviores sunt ea momenti & tardioris effectus; partem etiam si remittant, & aliquanto explicatorem reddant, ejus tamen angustias nunquam ita expandunt, ut humor morbi parens in illis totus commode reponi queat. Quin & oleis & cataplasmatibus, alijsque id genus quæ mollientibus, quæ trahentibus evocatus, si se illuc copiosior intrudat, quanta ex illius influxu distentio, quæ vis & atrocitas doloris? Cucurbitularum suspectus & anceps ulus, nisi igne & ferro securitatem præstet. Sed durum & crudele subsidium quantum periculi detrahit, tantum adjicit molestiæ & laboris. Putantium quæ opportunitas esse potest? an cum fatale illud potentium & mortis famulos præcosymptomaticæ & morbi imperio ad aures adsit? Sed qui tunc purgat, præcipuas artis infringit leges, frustra irritat & lacescit, corpus inflammatur, humores fundit, eorumque impetum revocat ad principes & internas partes, ac temeritatem nisi fortuna adjuvet, sæpe plerumque excipit pernitentia. An potior purgandi occasio, ubi criticum in modum, & cocto utcumque morbo natura Parotidem fundit? an quò illa vergit, consimili studio enitendum, eidem viæ & evacuationi insistentum. Præterea si leve medicamentum sit, quamvis primam corporis regionem seu molliotibus everrat scopis, antecedentem Parotidis causam, altiori sapientissime conclusam loco, non attingit, nedum conjunctam. Si contrà valentius, è parte affectâ nihil prius trahit, quàm resorptum sit à vasibus, totique deinceps sanguini temixtum, cui propterea labem suam aspergit, & è quo postea emulgeri haud facile potest: febris interim & symptomatum violentia redintegatur, & crises, qualiscumque sit, fructus perit. Emeticorum copiosiorum quam catharticum abusus, quo stomachum concurrit vehementius, vim cerebro majorem inferunt, atque, cum illud, tum glandulas auribus circumfusas novo potius gravant onere, quam antiquo levant.

III.

His vitii atque opprobrijs vacat, quæ nascente Parotide sit sanguinis missio, nec lenta, nec acerba, nec plena periculi, maxime cum affines & conterminæ venæ referantur; Hic enim, si uspiam, habendus est illarum secundarum delatus. Quæ ad malleolos excurrunt, auxilij sunt & segnioris & imbecilli. Propin-

3

quiori gaudent situ quæ tundi in brachiis consuevere, sed necdum satis, nec unquam nisi crebrâ & sæpius repetitâ sectione, ac magnâ sanguinis viriumque jacturâ tumentes abscessu partes complanant. Ranularum ut major cum Parotidæ vicinitas, ita & utilior divisio, nisi illarum exiliras obstaret. Omnium maxime amplitudine & propinquitate commendantur, quæ collum extrinsecus hinc inde percrepant. Earum hoc sæculo quamquam ad plerosque cerebri affectus non insequens esse incipiat in hominibus incisio, nulli tamen quàm Parotidi accommodatior. Quos illæ findantur in furculos, quò hi pertineant, cuique sint usui, diligentius attende. Cutem inter & membranam, quam carnosam appellant, ad fauces per cervicis latera exporrectæ in duos dirimuntur ramos, qui numerosâ deinde sobole, intro quidem in laryngis, ossis hyoidis, & linguæ musculos, foras verò in omnem fere faciem auriumque posticas glandulas & partes distributi quasi dissipantur. Ex istis totidem ceu rivulis uterque externarum jugulatum major alveus sanguinem excipit, quem si non cordi tantum ex naturæ lege continuo transmittat, sed extra quoque per acceptum scalpello vulnus affatim effundat, alius è vestigio è minoribus, multo, quam antea, profusior & incitator vacuum in locum influat necesse est. In hac sanguinis elutriatione & necessario sanguinis è tenuioribus & capillaribus venulis in grandiore externarum jugulatum truncum confluxu, ipsæ etiam extremæ omnium propagines, ut suæ succurrant penuriæ, & vecturæ non desint, aliæ ex interni jugularium venarum trunci furculis, quibuscum communicant, sanguinem quasi rapiunt & quâdam continuatione, deoneratis prius cerebri sinibus & vasis, quod in tumoris augmentum illabitur illapsurumque est, avertunt: aliæ quod aurium glandulis, è quibus emergunt, impactum jam hæret, proxime hauriunt & in sese corrivant, idque exin ampliores in canalem cruoris comteatu una omnes transfundunt, viâ demum obviâ & perbrevis foras effluxurum.

V

Hocce præsidio præsentius & facilius nullum, præsto est & in manu, uno stat ictu, quem quisvis in re chirurgicâ tyro & rudis aptè infligat. Ferienda vera ampla est, & cute vix recta, appresso tantum digito, vel circumducto molliter linteo sic intumesceat, ut alibi nulla secetur expeditius, ne in brachio quidem, nulla securius, cum illi nec nervus aut tendo, nec arteria subjiciantur vel adiaceant quæ scalpelli acie violati possint, ipse que etiam sanguis, mutato duntaxat colli situ interdum, emplastro adstringente semper, supprimatur. Male consulti ægrotantium rebus qui spe vel criseas, vel puris, id artis & operæ compendium prætermittit. Rara est narium hæmorrhagia, nec à natura cietur unquam sine discrimine; in illo sanguinis impetu, oppresso nonnunquam cerebro, successionem affert gravioris mali. Rarior ex tussicularum crebritate ptyelismus, & uni forsan Hippocrati semel aut iterum observatus: pulmoni imminet, ac tumorem è crassiori materiâ sæpenumero consistentem licet emolliat, vix tamen omnino tollit & exæquat. Vrinæ & alvi profluvia nec semper tentat natura, nec, si reuter, felici evacuatione semper absolvit, tot tamque implicatos viarum meandros & anfractus superare prius debet, tot intermedias in partes incurrit defluens humor, ut quò ab illâ impellitur, ali-quando non appellat. Suppurationem præterquam quod nonnunquam respuit parotidis indoles, pluvium illa dierum opus est & longioris moræ, multum negotij medico, plurimum laboris ægrotanti facit, febrem vel exfuscitat vel exaf-

4

perat. Nulla quoque suppuranti fides, si pus reddat biliosum, inæquale, graveolens, amurcæ simile. Adde quod etiam si *avodua*, lævitate, exquisito candore blandiatur, nondum tamen omnis est exempta suspicio, nisi universitatis excrementa suo etiam pepasmo fruantur. Sed ejusmodi naturæ motus & crises incipiente Parotide ne expectes. Multa apte ferenda sunt ad morbi usque statum & humorum coctionem; temporis & naturæ partus est crisis, nec ulla perfecta extra coctionem & legitimus dies. Equis porro an & coctio & crisis tandem assaturæ sint, ipsa inter initia parotidis certo sciat? Subsidente ante diem tumore utramque sæpe mors antevertit. Quin & hæc cunctante nihil interdum natura præter ferias agit: quas si medicus adeo dubiâ & incertâ expectatione pendens pariter agat, tot inter moras effluet rei certius ac tutius gerendæ occasio. Anticipet itaque coctionis & crisis tempus, vicinam colli venam confestim aperiat: crism, si futura est, hac arte vel juvabit, vel ante occupatam minori perturbatione faciet solus: Si nunquam futura, eam certa & nunquam præmatura sanguinis extractione supplebit, inflammatarum partium æstum illico extinguet, tensionem relaxabit, augeſcentem molem deprimet, molestias cum parotidis ortu, incremento & suppuratione conjunctas præverret, cruditatis & palindromes consecutionibus occurret, verbo dicam, Abscessum qui ob glandularum angustias *inipissus* est & inferior morbo, huic parem & *avipissus* reddet: vel, quod longe præstabilius fuerit, materiam illi omnino nullam relinquet.

Ergo incipiente Parotide sanguis è proxima 'inguli vena mittendus.

Domini Doctores disputaturi

<i>M. Guido Crescentius</i>	<i>M. Franciscus Sorand.</i>	<i>M. Bertinus Dienxioie.</i>
<i>Eagon familia Regina.</i>		<i>M. Stephanus Bacht</i>
<i>Medicus.</i>	<i>M. Nicolans Rainssant.</i>	<i>Scholarum Professor.</i>
<i>M. Iacobus de Bourges.</i>		<i>M. Ioannes Baptista</i>
<i>M. Petrus Legier.</i>	<i>M. Petrus Pourret.</i>	<i>Moreau Professor Regius.</i>

Proponebat Parisijs LVDOVICVS LABBE' Claromontanus
Bellovacensis A.R.S.H. M.DC.LXXVIII.